



74
6288
13

三十一



大明集禮卷三十

賓禮一

蕃王朝貢

總序

先王脩文德以柔遠人而夷狄朝覲其來尚矣。
○湯之時。氏羗遠夷來享來王。太戊之時。重譯
○周來朝者七十六國。○武王克商。大會諸侯及四
夷作王會。周禮秋官。象胥氏掌蠻夷閩貊戎狄
之國使而諭說焉。○漢設典客及譯官。今丞以領



去五味均平藏



大明集禮 卷三十

74
6288
13

四夷朝貢。又設典屬國及九譯令。武帝元鼎六年。夜郎入朝。自後外夷朝貢不絕。甘露元年。呼韓邪單于來朝。三年。呼韓邪單于稽居狁來朝。並見于甘泉宮。河平元年。四夷來朝。領于大鴻臚。四年。匈奴單于朝正月。引見于白虎殿。元壽二年。單于來朝。舍之上林苑蒲萄宮。順帝永和元年。倭奴王來朝。皆有宴饗賜予之制。**唐**設主客郎中掌諸蕃來朝。其接待之事有四。曰迎勞。曰戒見。曰蕃王奉見。曰宴蕃國主。其儀為詳。貞

觀三年。東謝酋長元深及突利可汗二國來朝。十三年。吐國渾主來朝。十四年。河源王諾曷鉢來朝。二十一年。回紇來朝。皆宴饗以樂之。**宋**奉朝貢者四十餘國。皆止遣使入貢。雖蕃王未嘗親入朝見。而接見之禮見於禮書者與唐略同。**元**太祖五年。畏吾兒國王奕都護來朝。世祖至元元年。勅高麗國王植令脩世見之禮。六月。植來朝於上都。其後蕃國來朝。俟正旦聖節大朝會之日而行禮焉。今擬

六日集禮 卷三十一
蕃王來朝。先遣應天府官迎勞。既至館。復遣省部設宴。然後習儀朝見於奉天殿。及見

皇太子於東宮。朝見畢。錫宴以享之。省府臺皆設席宴饗。及還。遣官勞送出境。今具其儀。作蕃王朝貢篇。

迎勞

周制。蕃主來朝。至天子之境。先謁關人。關人報王。王遣小行人迎勞于畿。漢甘露三年。呼韓邪

單于款五原塞來朝。漢遣車騎都尉韓昌迎。發過所七郡。郡二千騎為陳道上。唐蕃王來朝。遣使以束帛出迎。至次。蕃王迎使者於館門外。既入。使者執幣稱有制。蕃王北面再拜。使者宣制訖。蕃王進受幣。又再拜。使者既出。蕃王復揖使者入。以土物饋使者。再拜受。蕃王亦再拜。使者降出。鴻臚迎引蕃王詣朝堂。依方北面立。所司奏聞。舍人承勅出。稱有勅。蕃王再拜。宣勞訖。又再拜。所司引就館。宋遣使束帛出迎如唐之制。

而無償土物引詣朝堂之禮。**元**蕃國王來朝館於會同館而不著迎勞之文。

國朝蕃王來朝先遣應天知府迎勞於郊禮部官勞于會同館。勞蕃國使用同知

冠服

周會四夷諸侯天子統無繁露朝服八十物措

琕統與冕同繁露統所垂即旒也八十物大小所服琕笏也四夷相見則服

其本服。**漢**受四夷朝貢不載所服冠服。**唐**蕃王

來朝皇帝服通天冠絳紗袍蕃王服其國服。**宋**

與唐同元以國俗衣冠受朝蕃王服國服以見

國朝蕃王來朝

皇帝服衮冕。

皇太子服冕服百官具朝服侍立蕃王服其國

服若嘗

賜衮服者則以衮服朝見

陳設

周會四夷諸侯壇上設赤帟陰羽。陰地曰壇也。陰羽鶴羽也。

堂後東北為赤帟其西天子車立馬乘六

青陰羽鳧旌

鶴鳧羽為旌也。

陳幣當外臺。天玄駝。宗

馬十二。

陳東幣被馬於外臺。天玄黑駝宗尊也。

玉玄繚壁。綦十二。

參方。玄繚壁。豹虎皮十二。四方。玄繚壁。琰十二。

外臺之四隅。每隅張赤幣。

玄繚以黑組組之。綦。玉名。參方。陳幣三所。

壁皮。兼陳也。琰圭也。

秦

東

無儀可考。

唐

蕃主來朝。尚舍奉

御整設御幄於太極殿北壁。南向。守宮設次。太

樂令展宮懸。設舉麾位於上下。鼓吹令設十二

案。乘黃令陳車輅。尚輦奉御陳輿。尚舍奉御鋪

蕃主牀座於御座西南。東向。設蕃主版位於懸

南。又設蕃國諸官之位於蕃主之後。設典儀位

於懸之東北。贊者二人在南。差退。俱西面。諸衛

各勒所部列黃麾仗屯門及陳於殿庭。

監前期帥其屬尚舍張設垂拱大慶殿門之內。

設御榻於大慶殿當中。南向。設東西房於御榻

之左右。稍北。設東西閣於殿後之左右。大晟府

展宮架之樂於殿庭橫街之南。設協律郎位於

宮架西北。俱東向。設大司樂押樂位於宮架之

前。北向。儀鸞司設文武百官等次於殿門之外。

又設蕃國王次於宣德門外之西。蕃國諸官次於其後。尚輦陳輿輦於龍墀。繖扇於沙墀。陳五輅於宮架之南。列御馬於龍墀。在輿輦之後。尚書兵部帥其屬設黃麾仗於殿門之內。外張旗幟。典儀設文武百官位於殿庭。又設蕃王朝見位於宮架之北。稍西北向。蕃國諸官在其後。又設蕃王賜座位於御榻之東。稍南設典儀位於丹墀南。稍東。西向。贊者三人在其後。

國朝

陳設見於朝見儀注圖本。

儀仗

唐宴見蕃國王。用供奉仗。散手仗。立於殿上。又有黃麾仗。左右廂各十二部。為十二行。又有夾轂隊。持釵隊。步甲隊。辟邪旗隊。又有清游隊。朱雀隊。玄武隊。諸衛挾門隊。長槍隊。**宋**大慶殿蕃王朝會。設黃麾大仗。用五千二十五人。如正至朝會之儀。**元**因正旦聖節設朝儀。而受蕃王朝見。

國朝

引見蕃王則於

奉天門外中道陳龍旗十二。纛一。豹尾一。北斗旗一。左右布旗六十四。每旗用甲士。午門內設五輅。仗馬六。用十二。丹墀儀仗九十。丹陛儀仗九十。駕前儀仗二十四。殿上擊執八。

班位

○公朝諸侯於明堂。位九夷之國東門之外。西面。北上。八蠻之國南門之外。北面。東上。六戎之國西門之外。東面。北上。五狄之國北門之外。南面。東上。○漢蕃王來朝。以客禮待之。位在諸侯王上。○晉南單于來朝。處之王公特進之下。○唐蕃王朝見。拜位在樂懸之南。賜座位在御座西南。東向。蕃國諸官拜位在蕃王之後。○宋蕃王及蕃國諸官拜位在大慶殿門南階下。其賜座位在御座之東。西向。百官班分列於丹墀之左右。東西相向。

國朝 蕃王來朝。擇日於

奉天殿朝見。其蕃王拜位。在

丹墀中道之西。蕃國諸官之班。在其後。百官序立於

丹墀之東西。其詳見朝見儀注。

執事

唐 蕃王朝會。其執事。尚舍奉御一人。太樂令一人。鼓吹令。乘黃令。尚輦。奉御各一人。典儀二人。贊者二人。協律郎二人。通事舍人二人。奏中嚴

外辦一人。符寶郎一人。承制一人。引蕃王謁者二人。殿上引蕃王舍人二人。引蕃官舍人二人。舍人承旨一人。**宋** 殿中監。尚舍。奉御各一人。太樂令一人。協律郎二人。大司樂二人。儀鸞司。設文武官次二人。尚輦一人。乘黃令一人。典儀二人。贊者二人。東上閤門官二人。內侍進班。齊牌一人。鳴鞭三人。捲簾二人。雞唱一人。報時一人。贊常起居舍人一人。符寶郎一人。奉寶郎一人。奏中嚴外辦舍人一人。承旨內侍一人。引殿外

大明雜禮 卷三十一
序班舍人二人。引蕃王舍人二人。引班首通事舍人二人。左輔宣制一人。接引蕃王閣門官二人。引諸蕃官舍人二人。宣制舍人一人。

國朝 陳

御座香案內使一人。設

寶案尚寶司官一人。導

駕侍儀六人。殿前班指揮使三人。侍從班光祿寺官三人。侍儀奏中嚴外辦一人。執中嚴外辦牌一人。宣制官一人。展方物狀官二人。宣方物

狀官一人。受方物官一人。通贊一人。贊禮一人。知班二人。典儀二人。引蕃王舍人二人。引蕃國從官舍人一人。引文官侍立班舍人二人。引武官侍立班舍人二人。設牌位莞蓆舍人二人。設方物案位一人。舉方物案若干人。

殿上擎執內使八人。殿前拱衛指揮官二人。

丹墀上宿衛鎮撫二人。護衛千戶八人。

丹墀下護衛千戶二十四人。

丹墀南五輅舉士四十人。天武將軍四人。殿門

左右將軍六人。

殿上將軍二人。

奉天門將軍六人。鳴鞭四人。司辰一人。鷄唱一人。

殿前擊執十六人。

丹墀東西擊執九十八人。

丹陛東西擊執九十八人。典牧所掌仗馬二人。控

仗馬十二人。和聲郎二人。協律郎二人。樂工六

十四人。

奉天門外中道擊執十七人。中道左右擊執三

百二十人。控象十二人。舉虎豹輦士二十四人。

午門外軍士若干人。

樂舞

漢倭奴王來朝。帝作黃門鼓吹。唐貞觀七年。宴

蠻夷酋長於玄武門。奏七德九功之舞。十四年。

宴河源王諾曷鉢于玄武門。奏倡優百戲之樂。

二十一年。回紇來朝。帝御天成殿。陳十部樂。自

後蕃王來朝。設宮懸。奏太和舒和之曲。其宴會

則舞文武二舞。宋蕃國王來朝。設宮架之樂。奏乾安正安之曲。其宴會則舞天下化成四夷來王之舞。

國朝朝見用大樂。宴會間用細樂。兼用舞隊。

贄獻

周禮九州之外謂之蕃國。世一見。各以其所貴寶為贄。如越裳獻白雉。白狼之類。**漢**天漢三年。西國王獻靈膠。吉光毛裘。甘露三年。呼韓邪單于款五原塞。奉國珍以朝。自後單于來朝。皆以其所寶為贄。

唐貞觀十三年。吐谷渾曷鉢入朝。獻馬牛羊萬大曆中。真獵王婆彌來朝。獻象十一。**元**爪哇蕃王來朝。貢金表章。金器等物。及走獸。鶉鴿。

宴會

漢甘露三年。宴單于。稽侯獬置酒建章宮。饗賜觀以珍寶。**唐**蕃王來朝。宴饗于紫宸殿。設蕃王座於御座西南。蕃國諸官應升殿者。座於蕃王之後。不升殿者。座於西廊下。俱東面。皇帝服通天冠絳紗袍。蕃王服其國服。入奉贄。獻訖就座。

酒三行。樂五奏。設庶羞。每皇帝進酒。蕃王以下皆興進酒畢。乃復座。宋宴蕃國王於大慶殿。設蕃國王座於御座之東。蕃國諸官分位於東西。朶殿。三公。三少。左輔。右弼。及諸文官在御座之東。親王。使相。節度。觀察。及諸武官在御座之西。蕃王服本國服。皇帝服通天冠。絳紗袍。即御座。班首以下。及蕃國王。蕃國諸官入班。首詣御榻。前進爵。俛伏。跪奏稱賀訖。再拜。皇帝舉酒。酒四行。樂五奏。舞文武二舞。每皇帝進酒食。蕃國王及殿上羣官皆避位。進酒食訖。乃復就座。

國朝 蕃王來朝。賜宴於

謹身殿。設

皇太子座於

御座之東。諸王座於

皇太子之下。東西相向。設蕃王座於殿西第一行。東向。設文武官座於第二第三行。東西相向。酒九行。食五次。間作大樂。細樂。舞隊。其蕃國從官座於西廡之下。酒數食品亦同。但不作樂。宴

畢。

皇帝

皇太子諸王還宮。蕃王及文武百官以次出。其詳見宴會儀注。

賜予

漢甘露三年。單于來朝。天子于甘泉宮。賜以冠帶。衣裳。黃金璽。蓋。綬。玉具劍。佩刀。弓一張。矢四發。祭。戟十。安車一乘。鞍勒一具。馬十五匹。黃金二十斤。錢二十萬。衣被七十七襲。錦繡綺綾雜

帛八千匹。絮六千斤。明年。呼韓邪來朝。禮賜如初。加衣百十一襲。錦帛九千匹。絮八千斤。河平四年。單于朝正月。加賜繡繒帛二萬匹。絮二萬斤。元壽二年。單于烏孫大昆彌來朝。加賜衣三百七十襲。錦帛三萬匹。絮三萬斤。元康元年。龜茲王絳賓來朝。賜以車騎。旗鼓。歌吹數十人。綺繡雜繒。琦玕凡數千萬。唐貞觀二十三年。于闐王來朝。賜以金帶。錦袍。開元五年。突騎施可汗來朝。賜錦袍。鈿帶七事。二十九年。三護真檀入

朝賜以紫袍金帶。今擬

國朝 賜予。臨時取旨。

迎勞儀注

蕃王至龍江驛。驛令具其國蕃王姓名。及蕃國從官名數報應天府。應天府官稟知中書省。及禮部。禮部奏聞。遣侍儀通贊舍人二人接伴。遣應天知府至龍江驛禮待。

前期館人於正廳陳設蕃王座於廳之西北。東向。設應天知府座於廳之東南。西向。中設酒案。及食案。應天知府至館。館人入告。接伴舍人引蕃王出迎。蕃國從官後從。既見。接伴舍人引蕃王。應天知府分賓主而入。蕃王升自西階。應天府官升自東階。至廳。蕃王東向立。應天知府西向立。接伴舍人唱鞠躬。拜興。拜興。平身。蕃王及應天知府皆鞠躬。拜興。拜興。平身。應天府官進詣蕃王前致禮待之意畢。接伴舍人引蕃王及應天知府各就

座所引應天府從官詣蕃王前唱鞠躬拜興拜興平身應天府從官皆鞠躬拜興拜興平身蕃王答鞠躬拜興拜興平身舍人引蕃王從官詣應天知府前唱鞠躬拜興拜興平身蕃國從官皆鞠躬拜興拜興平身應天知府答鞠躬拜興拜興平身應天從官與蕃國從官俱詣耳房各再拜訖分賓主東西相向坐執事者舉食案進供於蕃王及應天知府之前耳房執事者各舉食案進供於各官之前廳上執事者斟酒凡酒五行湯五品耳房亦酒五行湯三品宴畢舍人引應天知府降自東階蕃王降自西階送至館門外王入應天府官還從官皆以次出次日清晨應天府從官復伴送蕃王入至會同館禮部尚書奉

旨即往館宴勞

前期館人陳設蕃王及禮部尚書座次於正廳賓西主東中設酒案及食案及設蕃國從官及禮部從官座位於廳之耳房賓西主東中設酒

案食案禮部向書至館館人入告接伴舍人引
蕃王服其國服出迎蕃國從官以次後從既見
接伴舍人引蕃王禮部尚書及蕃國從官禮部
從官分賓主而入蕃王升自西階禮部尚書升
自東階至廳蕃王東向立禮部尚書西向立蕃
國從官立於蕃王之南稍後東向禮部從官立
於尚書之南稍後西向接伴舍人唱鞠躬拜興
拜興平身禮部尚書與蕃王皆鞠躬拜興拜興
平身禮部尚書曰進詣蕃王前致禮待之意畢接
伴舍人引蕃王禮部尚書詣座所引禮部從官
詣蕃王前唱鞠躬拜興拜興平身禮部從官皆
鞠躬拜興拜興平身蕃王答拜舍人又引蕃國
從官詣尚書前唱鞠躬拜興拜興平身蕃國從
官皆鞠躬拜興拜興平身尚書答拜禮部從官
與蕃國從官俱詣耳房舍人引分賓主唱鞠躬
拜興拜興平身蕃國從官及禮部從官皆鞠躬
拜興拜興平身舍人引就東西相向坐執事者
舉食案進供於蕃王及禮部尚書之前耳房執

事者各舉食案進供於蕃國從官。禮部從官之前廳上執事者斟酒。凡酒五行。湯五品。上湯擊鼓行酒。作細樂。耳房酒五行。湯三品。不設樂。宴畢。舍人引禮部尚書降自東階。蕃王降自西階。出館門外。蕃王乘馬行於道右。禮部尚書亦乘馬行於道左。蕃國從官及禮部從官各乘馬於後。同至會同館門外。下馬。舍人引蕃王。禮部尚書同入。蕃王升自西階。禮部尚書升自東階。至館次。禮部尚書及從官出。蕃王及蕃國從官送至館門外。對舉手揖。蕃王入。尚書及從官還。明日。都堂又

朝見儀注

奏知。命省臣一員詣會同館宴勞。其陳設座次。酒數。食品。樂器皆如禮部尚書宴勞之儀。前期。禮部告示侍儀司。諸執事引蕃王及蕃國從官具服於天界寺習儀三日。擇日朝見。前一日。內使監陳御座香案於

奉天殿如常儀尚寶司設

寶案於

御座前侍儀司設蕃王次及從官次於

午門外設蕃王拜位於

丹墀中道稍西及

御座之南俱北向設蕃國從官拜位於蕃王後

中道之東西依序重行北向設方物案位於

丹墀之北中道之東西設方物案於

御前及

丹墀之中設受方物官位於方物案之東西設

文官侍立位於

文樓之北西向北上武官侍立位於

武樓之北東向北上殿前班指揮司官三負位

于

丹陛上東向光祿司官三負位於

丹陛上西向侍從班起居注殿中侍御史尚寶

卿位於殿上西向指揮司懸刀武官位於殿上

東向拱衛司官位於

奉天殿門之左右。東西相向。典牧所官位于仗馬之前。東西相向。宿衛鎮撫位于

丹陛階下。東西相向。宿衛百戶二十四負於宿衛鎮撫之南。稍後。東西相向。護衛千戶八負於殿東西門之左右。東西相向。知班二人位于蕃王拜位之北。東西相向。贊禮二人位于知班之北。東西相向。典儀二人位于

丹陛上之南。東西相向。內贊二人位于殿上。東西相向。引蕃王舍人位于蕃王之北。東西相向。引文武班舍人位于文武班之北。稍後。東西相向。舉方物執事位於方物案之東西。鳴鞭四人位于

丹陛上之南。北向。天武將軍四人位于丹陛上之四隅。東西相向。將軍二人位于殿上簾前。東西相向。將軍六人位于奉天殿門之左右。東西相向。將軍六人位于奉天門之左右。東西相向。

是日金吾衛陳設甲士於

午門外之東西列旗仗於

奉天門外之東西拱衛司陳儀仗於

丹陛上及

丹墀之東西陳五輅於

丹墀之南典牧所陳仗馬於

文武樓之南東西相向陳虎豹於

奉天門外和聲郎陳樂於

丹墀蕃王拜位之南擊鼓初嚴禮部以方物案

陳于

午門外舉案者就案催班舍人催文武官各朝

服擊鼓次嚴引班引文武百官依品從齊班於

午門外以北為上東西相向殿前班指揮光祿

卿通班贊禮典儀內贊宿衛鎮撫護衛鳴鞭殿

內外將軍各執事人俱入就位接伴舍人及引

班引蕃王及蕃國從官立於

午門方物案之前諸侍衛官各服其器服及尚

寶卿侍從官入詣

謹身殿奉迎擊鼓三嚴引班引文武官入就侍
立位引班舍人引執事舉方物案前行引蕃王
及從官由

午門西入金水西橋。

奉天西掖門至

丹墀之西俟立侍儀版奏外辦御用監官跪奏

皇帝服通天冠絳紗袍御輿以出尚寶卿捧

寶及侍儀侍衛導從警蹕如常儀。

皇帝將出仗動。大樂鼓吹振作。陞

御座。樂止。將軍捲簾尚寶以

寶置於案鳴鞭司辰郎報時鷄唱訖引禮引蕃

王就位執事者舉案及蕃王從官各就位立定

舉案執事者退就位贊禮唱鞠躬拜興拜興拜

興拜興平身蕃王及從官鞠躬。樂作。拜興拜興

拜興拜興平身。樂止。引禮導蕃王升殿行禮宣

方物狀官取方物狀與展方物狀官從行俱西

陞陞。樂作。從西門入引禮立伺於門外內贊接

引蕃王至

御座前行禮位。樂止。宣方物狀官以方物狀置

于案。與展方物狀官退立於殿西。內贊唱鞠躬。

拜。興。拜。興。平身。蕃王鞠躬。拜。興。拜。興。平身。內贊

唱跪。蕃王跪。蕃王稱茲遇。欽詣。

皇帝陛下。訖。宣方物狀官詣案取狀跪于

御座前之西。展方物狀官同跪。展宣。訖。俯伏。興

于西。承制官前跪承

制。興。詣蕃王前宣

制。云云。訖。內贊唱俯伏。興。拜。興。拜。興。平身。蕃王

俯伏。興。拜。興。拜。興。平身。內贊引蕃王及宣方物

狀官。展方物狀官由西門出。樂作。降自西陛。引

禮引復位。樂止。贊禮唱鞠躬。拜。興。拜。興。拜。興。拜。

興。平身。蕃王及從官皆鞠躬。樂作。拜。興。拜。興。拜。

興。拜。興。平身。樂止。贊禮唱禮畢。侍儀奏禮畢。鳴

鞭。

皇帝興。樂作。警蹕。侍從導引至

謹身殿。樂止。引禮導蕃王及從官出。受方物官

受方物舉案執事各舉案出。引班引文武百官

以次出。

見東宮儀注

前一日。禮部官以蕃王所獻

東宮方物啓知。

前期內使監於

東宮陳設

皇太子位於正殿。侍儀司設蕃王幄次及從官
次於東門之外。設蕃王拜位於殿門外。及殿中。
北向。設蕃國從官拜位於殿下中道之東西。北

向。設文官侍從班位於

殿庭之東。武官侍從班位於

殿庭之西。俱相向。贊禮二人位於

殿門外。東西相向。內贊二人位於

殿內。承傳二人位於

殿下。俱東西相向。引蕃王舍人二人位於蕃王

拜位之北。東西相向。引蕃國從官舍人二人位

於從官拜位之北。東西相向。引文武侍從班舍

人四人位於文武班之北。稍後。東西相向。

是日宿衛陳甲士仗于

東宮外門外。陳旗幟於中門外。將軍六人於

殿門外之東西。拱衛司陳設儀仗於

殿下之東西。及

殿前。

殿門之東西。內使擎執於

殿上之左右。和聲郎陳樂於

殿庭之南。質明。執事者各就位。蕃王服本國服

朝賀

皇帝訖。常服至

東宮門外。引班引文武官公服入。就侍從位。內

使監令啓知。

皇太子皮弁服。引進導引出宮。

樂作。陞座。樂止。

引班引蕃王入。

樂作。就位。

樂止。

引班引蕃國從

官立候於

殿下之西。東向。引進啓

皇太子興立於座前。贊禮唱鞠躬。拜興。拜興。平

身。蕃王鞠躬。

樂作。

拜興。拜興。平身。

樂止。

皇太子立受引禮引蕃王至

殿西門內贊接引至

皇太子座前內贊唱跪蕃王跪稱茲遇 請

皇太子殿下 訖內贊唱俯伏興平身蕃王俯

伏興平身內贊引蕃王出

殿門引禮引蕃王復位贊禮唱鞠躬拜興拜興

平身蕃王鞠躬樂作拜興拜興平身內贊唱鞠

躬拜興拜興平身

皇太子答拜鞠躬拜興拜興平身樂止引禮引

蕃王出引進啓

皇太子就座引禮引蕃國從官就位贊理唱鞠

躬拜興拜興拜興平身蕃國從官皆鞠躬

樂作拜興拜興拜興平身樂止贊禮唱禮

畢引禮引蕃國從官出引進啓禮畢

皇太子興樂作出

殿門樂止引禮引文武官以次出

見諸王儀注

前期王府官設蕃王及從官次於府門外設

王座於正殿東。稍北。西向。設蕃王座於正殿西。稍南。東向。設蕃王拜位於殿上。稍南。東向。設王答拜位於殿上。稍北。西向。設蕃國從官拜位於殿門外。北向。設內贊二人位於殿上之東西。承傳二人位於殿門外之東西。設接伴舍人位於內贊之南。東西相向。設引從官二人位於從官拜位之北。東西相向。設王府官侍立位於殿上之左右。東西相向。

是日。所司陳設儀仗於殿門外之東西。接伴舍人引蕃王及從官至。

王府門外。執事者先入就位。王府官啓。

王服皮弁服。出升殿。就座。接伴舍人引蕃王入至殿下。由西階升。王府官啓。

王興降座。出迎於殿門外。既見。王府官引。

王由中門入。接伴舍人引蕃王由西門入。各就拜位。內贊唱鞠躬。拜興。拜興。平身。蕃王鞠躬。拜興。拜興。平身。王答拜。鞠躬。拜興。拜興。平身。王府官啓。

王就座。接伴舍人亦引蕃王就座。引班引蕃國從官至殿門外拜位。北向立。承傳唱鞠躬拜興。拜興。拜興。拜興。平身。蕃國從官皆鞠躬拜興。拜興。拜興。拜興。平身。承傳唱禮畢。接引舍人引蕃王興詣
王興詣
王座前。王府官啓
王降座立。舉手揖畢。王還府。接伴舍人引蕃王出。王府官送至門外。蕃國從官後從至館。

見宰輔以下儀注

蕃王見

諸王訖。接伴舍人引蕃王詣中書省見丞相。前期。禮部官於中書省後堂設蕃王座於省堂之西。東向。設省官座於省堂之東。西向。接伴舍人引蕃王至省門外。先遣入報。省官出迎於省門之外。接伴舍人贊禮引蕃王及丞相俱入。蕃王升自西階。省官升自東階。至正堂。蕃王東向立。省官西向立。贊禮唱鞠躬拜興。拜興。拜興。平身。蕃王及省官皆鞠躬拜興。拜興。拜興。平身。蕃王詣省官

前致謁見之意畢。引蕃王。省官入後堂就座。贊引引蕃國從官至省堂前楹。北向立。贊禮唱鞠躬。拜興。拜興。平身。蕃國從官皆鞠躬。拜興。拜興。平身。贊禮引蕃國從官立於蕃王之後。禮部官供茶飲畢。接伴舍人及贊禮引蕃王出。蕃王降自西階。省官降自東階。送至省門外。各舉手揖。蕃王上馬。省官還。其見三公。大都督。御史大夫。其儀皆與上同。凡京官五品以上與蕃王相見。皆蕃王在西。京官在東。行再拜禮。六品以下蕃

王在北京。京官在南。行再拜禮。蕃王皆答拜。其蕃國從官與京官相見之儀。具蕃使來貢篇。

宴會儀注

擇日錫宴蕃王於

謹身殿。拱衛司於

殿庭左右設黃麾仗。內使擎執

奉天殿受朝之儀。內使監陳設

御座於殿中。設

皇太子座於

御座東偏西向稍南設

諸王座以次而南皆西向又於

御座西偏設

諸王座與東偏

諸王相對以次而南皆東向設蕃王座于

殿中之西第一行東向次設文武一品陪宴座

于第二行東西相向二品陪宴于第三行東西

相向於西廡設蕃國從官座及文武官三品陪

宴官依序坐以北為上俱東向和聲郎於

殿之南楹陳大樂細樂及歌舞隊光祿寺設

御酒尊於

殿中之南設

皇太子

諸王蕃王文武一品二品官酒尊於

殿左右門之東西

御位司壺二人尚酒尚食二人東偏

皇太子

諸王司壺一人奉酒奉食二人西偏

諸王司壺一人。奉酒奉食二人。蕃王司壺一人。奉酒食一人。文武官第一行各司壺四人。兼供酒食。文武官左右第二行各司壺四人。兼供酒食。光祿寺直長西廡各置酒尊及設司壺。供酒食之人。光祿寺卿陳御食案。及

皇太子。

諸王食案。及寺丞設蕃王食案於殿中。直長設

殿上左右文武官食案。各置於座前。

西廡蕃國從官。文武官食案。亦各設於座前。諸執事各供事。舍人引文武百官常服侍立於殿門之左右。舍人引蕃王服其國服侍立於百官之北。引進引

皇太子

諸王常服侍立於

殿內之左右。侍儀導引

皇帝常服陞

御座。大樂鼓鳴鞭。樂止。吹振作。鳴鞭。

皇太子

諸王各就座位。禮部官取

旨導蕃王入就座位。丞相率禮部尚書光祿卿

舉

御食案進于

御前。禮部侍郎。光祿少卿。舉食案各進于

皇太子

諸王之前。禮部郎中。光祿寺丞。舉食案進于蕃

國王前。

殿上文武官。又

西廡蕃國從官。文武以次官各就座位。內使監

令於

御前斟酒。司壺於

皇太子。

諸王。蕃王。及文武官前各斟酒。細樂作。奏太清之

曲。和聲郎北面立。舉手唱上酒。

皇帝舉第一爵飲。

皇太子及蕃王以下皆飲畢。樂止。內使監令又於

御前斟酒。司壺於

皇太子諸王蕃王。文武官前各斟酒。細樂奏感

皇恩之曲。和聲郎唱上酒。

皇帝舉第二爵飲。

皇太子及蕃王以下皆飲畢。樂止。內使監令於

御前進食。供食者於

皇太子。

諸王。蕃王。文武官前各供食。大樂和聲郎唱上

食。

皇帝進食。

皇太子及蕃王以下食畢。樂止。內使監令於

御前斟酒。司壺各斟酒。細樂奏賀聖朝之曲。和

聲郎唱上酒。

皇帝舉第三爵飲。

皇太子及蕃王以下皆飲畢。樂止。進食。奏大樂

如前。內使監於

御前斟酒。司壺各斟酒。細樂作。奏普天樂曲。和聲

郎唱上酒。

皇帝舉第四爵飲。

皇太子及蕃王以下皆飲畢。樂止。進食。奏大樂

如前。內使監令於

御前斟酒。司壺各斟酒。細樂作。舞諸國來朝之舞。

和聲郎唱上酒。

皇帝舉第五爵飲。

皇太子及蕃王以下皆飲畢。樂止。進食。奏大樂

如前。內使監令復斟酒。司壺各斟酒。細樂作。奏朝

天子之曲。和聲郎唱上酒。

皇帝舉第六爵飲。

皇太子及蕃王以下皆飲畢。樂止。內使監令又

斟酒。司壺各斟酒。細樂作。奏醉太平之曲。舞長生

隊之舞。和聲郎唱上酒。

皇帝舉第七爵飲。

皇太子及蕃王以下皆飲畢。樂舞止。進食。奏大樂

如前。其西廡斟酒進食。其次如

殿上。但不作樂。宴畢。

皇帝興。樂作。

皇太子

諸王侍從還宮。樂止。引禮引蕃王出。引禮引文

武百官以次出。蕃王還館。

東宮賜宴儀注

皇帝賜蕃王宴畢。

東宮擇日宴蕃王。

是日。宿衛陳甲士兵仗於

東宮門外。陳旗幟於中門外。將軍六人於

殿門外之東西。拱衛司陳設儀仗於

殿下之東西。及

殿前

殿門之東西。內使監設

皇太子座於

殿上正中。設

諸王座於

皇太子座東偏。以次而南。皆西向。又設

諸王座於

皇太子座西偏與東偏

諸王相對皆東向又設蕃王座於西偏

諸王之下東向次設三師賓客諭德位於

殿上第二行東西相向於西廡下設蕃國從官

及宦官以序座北上東向和聲郎於

殿之南楹陳大樂細樂及舞隊光祿寺官設

皇太子酒尊於

殿中之南設

諸王蕃王三師等官酒尊於

殿門之左右

皇太子司壺二人尚酒尚食二人東偏

諸王司壺一人奉酒食二人西偏

諸王司壺一人奉酒食二人蕃王司壺一人奉

酒食一人三師等官左右司壺各四人兼供酒

供食光祿直長於西廡置酒尊食案及司壺供

酒食之人光祿寺官於

殿上陳

皇太子食案及

諸王蕃王食案直長於

殿上三師座前預設酒案西廡蕃國從官及官
官食案亦各設於座前諸執事各供事舍人引

三師等官服常服侍立於

殿門之左右舍人引蕃王服其國服立於三師
之北引進引

諸王常服侍立於

殿內之左右引進導引

皇太子常服出

樂作。陞座。樂止。

諸王各就位坐禮部侍郎啓知引蕃王入就座
禮部侍郎光祿少卿舉食案進于

皇太子之前禮部郎中光祿寺丞舉食案各進
于

諸王及蕃王之前三師等官各就座蕃國從官
及官官各就西廡坐內使監官於

皇太子前斟酒司壺於

諸王蕃王及三師等官前各斟酒

大樂。樂工此

九明集禮 卷三十一 三十一
面舉手唱上酒。

皇太子舉第一盞。

諸王蕃王及三師等官皆上酒。飲畢。樂止。內使

監又於

皇太子前斟酒司壺於

諸王蕃王及三師等官前斟酒。細樂作。樂工唱上

酒。

皇太子舉第二盞。

諸王蕃王及三師等官皆上酒。飲畢。樂止。內使

監於

皇太子前進食。供食者於

諸王蕃王及三師等官前各供食。大樂作。樂工唱

上食。

皇太子進食。

諸王蕃王及三師等官各進食。食畢。樂止。內使

監及執事者各斟第三盞。至第七盞酒及供食。

樂作。樂止。並如上儀。惟酒第五行第七行雜行

諸隊舞。凡酒七行。食五品。西廡蕃國從官及官

官皆酒七行。食五品。唯不作樂。宴畢。引進啓禮畢。

皇太子興。樂作。

諸王從還宮。樂止。引禮引蕃王及從官出。二師官官以次出。蕃王還館。

省府臺宴會儀注

東宮宴蕃王畢。中書省取旨宴勞。

前期。有司於中書省後堂。陳蕃王及省官座次。賓西主東。設酒案於省堂正中。食案列於酒案之前。又設諸蕃官及左右司官座次於左司賓西主東。設酒案於左司正中。食案列於酒案之前。教坊司陳樂於省堂及左司之南楹。都堂遣官詣會同館。請蕃王赴宴。至省門下馬。省官出迎於省門之外。執事者引蕃王及省官俱入。左右司等官與蕃國從官各從其後。蕃王升自西階。省官升自東階。至席前。省官主宴者詣蕃王前致禮待之意畢。各就座。左右司官與蕃國從

官至左司。左司郎中詣從官前致禮待之意畢。各就座。禮部官二人舉食案進供於蕃王及省官之前。執事者斟酒。細樂作。飲畢。樂止。執事者再斟酒。樂作。樂止。如初。飲畢。執事者進食。大樂作。食畢。樂止。酒七行。食五品。行酒奏。細樂作。進食奏。大樂作。惟第五第七行雜陳諸戲。左司酒七行。食五品。行酒作細樂。進食作大樂。不陳雜戲。宴畢。執事者引蕃王降自西階。省官降自東階。送蕃王至省門外。蕃國從官從其後。遣官一員送蕃王至會同館。都督府禮待儀同前。但各衛官屬戎服。盛陳兵仗於門內外之東西。蕃國從官受宴于經歷司。御史臺禮待儀亦同前。但不陳兵衛。蕃國從官亦受宴于經歷司。

陸辭儀注

蕃王將還國。禮部官

奏知。戒蕃王。某日

陸辭。仍於天界寺習儀訖。

前期内使監設

御座香案於

奉天殿如常儀尚寶司設

寶案於

御座前侍儀司設蕃王拜位於

丹墀中道稍西及

殿上

御座前俱北向設蕃國從官拜位於蕃王後中

道之東西依序重行北向設承制官位於

殿上之東西南向設文官侍立位於

文樓之北西向北上武官侍立位於

武樓之北東向北上殿前班指揮司官三員位

于

丹陛上東向光祿寺官三員位於

丹陛上西向侍從班起居注殿中侍御史尚寶

卿位於

殿上西向指揮司懸刀武官位於

殿上東向拱衛司官位於

奉天殿門之左右東西相向典牧所官位於仗

馬之前。東西相向。宿衛鎮撫位于

丹陛東西階下。東西相向。護衛百戶二十四員。於宿衛鎮撫之南。稍後。東西相向。護衛千戶八員。位于

殿東西門之左右。東西相向。知班二人位于蕃王拜位之北。東西相向。贊禮二人位于知班位之北。東西相向。典儀二人位于

丹陛上之南。東西相向。內贊二人位于

殿上。東西相向。引蕃王舍人位于蕃王之北。東西相向。引蕃王從官舍人位于從官之北。東西相向。引文武班舍人位于文武班之北。稍後。東西相向。鳴鞭四人位于

丹陛上之南。北向。天武將軍四人位于

丹陛上之四隅。東西相向。將軍二人于

殿上簾前。東西相向。將軍六人于

奉天殿門之左右。東西相向。將軍六人于奉天門之左右。東西相向。

是日。金吾衛陳設甲士于

午門外之東西列旗仗於

奉天門外之東西拱衛司陳儀仗於

丹陛上及

丹墀之東西陳五輅於

丹陛之南典牧所陳仗馬於

文武樓之南東西相向陳虎豹於

奉天門外和聲郎陳樂於

丹墀蕃王拜位之南擊鼓初嚴催班舍人催文

武官各具朝服擊鼓次嚴引班引文武百官依

品從齊班於

午門外以北為上東西相向殿前班指揮光祿

卿通班贊禮典儀內贊宿衛鎮撫護衛鳴鞭殿

內外將軍各執事人俱入就位接伴舍人及引

班引蕃王及蕃國從官立於

午門外諸侍衛官各服其器服及尚寶卿侍從

官入詣

謹身殿奉迎擊鼓三嚴引班引文武官入就侍

立位引班舍人引蕃王及從官由

午門西入金水西橋。

奉天西掖門至

丹墀之西俟立侍儀版奏外辦御用監官跪奏

皇帝服通天冠絳紗袍御輿以出尚寶卿捧

寶及侍儀侍衛導從如常儀。

皇帝將出仗動。大樂鼓吹振作。陞

御座。樂作。將軍捲簾尚寶以

寶置於案鳴鞭報時鷄唱訖引班引蕃王及從

官各就拜位贊禮唱鞠躬拜興拜興拜興

平身蕃王及從官鞠躬。樂作。拜興拜興拜

興平身。樂止。引班引蕃王由西階陞。樂作。西門

入引班立伺於門外內贊接引蕃王至

御座前立定。樂止。內贊唱鞠躬拜興拜興平身

蕃王鞠躬。樂作。拜興拜興平身。樂止。內贊唱跪

蕃王跪承制官前跪承

制詣蕃王前宣

制。云云。訖。或有賜物。就宣。內贊唱俯伏興鞠躬拜興拜

興平身蕃王鞠躬。樂作。拜興拜興平身內贊引

蕃王自西門出。樂作。引班引復位。樂止。贊禮唱

鞠躬拜興拜興拜興平身。蕃王蕃國從官

皆鞠躬。樂作。拜興拜興拜興平身。樂止。贊

禮唱禮畢。侍儀奏禮畢。

皇帝興。樂作。警蹕侍從道引至

謹身殿。樂止。引班引蕃王及蕃國從官出。引文

武官以次出。

辭東宮儀注

蕃王詣

闕陛辭訖次辭

東宮。

前期內使監設

皇太子位于東宮正殿。侍儀司設蕃王拜位於

殿門外。設蕃國從官拜位于

殿下中道之東西北向。文武侍從班于

殿庭之東西。俱相向贊禮。二人位于蕃王拜位

之北。東西相向。承傳二人位于

殿下。東西相向。引蕃王舍人二人位于蕃王拜

位之北。東西相向。引蕃國從官二人。位於從官拜位之北。東西相向。引文武侍從班四人。位于文武班之北。稍後。東西相向。

是日宿衛陳甲士兵仗於

東宮門外。陳旗幟於中門外。將軍六人於

殿門外之東西。拱衛司陳設儀仗於

殿下之東西。及

殿前

殿門之東西。樂工設樂於

殿庭之南。執事者各入就位。引班引文武官

服侍。從於

殿下之東西。引班引蕃王。服國服至

東宮門外。立位。內使監令啓知。

皇太子常服出宮。仗動。樂作。陛

座。樂止。引禮二人。引蕃王及從官就位。初行。樂作。

就位。樂止。引進啓

皇太子立於座前。贊禮唱鞠躬。拜興。拜興。拜興。

拜興。平身。蕃王鞠躬。樂作。拜興。拜興。拜興。

平身。樂止。

皇太子受前二拜。答後二拜。

皇太子答拜時。內贊唱如儀。引禮引蕃王出就
次。引進啓。

皇太子就座。引禮引蕃國從官入就位。贊禮唱

鞠躬。拜興。拜興。拜興。拜興。平身。從官鞠躬。樂作。

拜興。拜興。拜興。平身。樂止。贊禮唱禮畢。引

禮引蕃國從官出。引進啓禮畢。

皇太子興。樂作。侍從導引還宮。樂止。引禮引文

武侍從官以次出。

勞送出境

蕃王辭

東宮畢。中書省官率禮部官送出國門外。至龍

江驛。省臣還。禮部官設宴如初至之儀。宴畢。禮

部官還。應天府官送起行。

蕃國正旦冬至

聖壽。率衆官望

闕行禮儀注。

前期執事者陳設

闕庭於王宮正殿南向香燭案於

闕庭之前王拜位於殿庭中北向及褥位於香

案前衆官拜位於蕃王之南每等異位重行北

向司禮司贊位於衆官拜位之北司禮在西司

贊在東俱相向司香二人位於香案前東西相

向。

是日執事陳甲士軍仗旗幟於王宮門之外樂

工陳樂於拜位之南引班引衆官朝服入齊班

於王宮門外之東西司禮司贊司香俱入就位

引禮啓請王於後殿具冕服未賜者服本國之服引衆官

入立殿庭東西引禮導王出樂作王由西階陞

詣拜位樂止引禮立於拜位之左右引禮引衆

官入就拜位司贊唱鞠躬拜興拜興拜興

平身王與衆官皆鞠躬樂作拜興拜興拜興

興平身樂止引禮導王由東門入樂作至闕庭

香案前拜位樂止引禮立於拜位之左右引禮

贊跪司贊唱跪王與衆官皆跪引禮贊上香上

香。三上香。司香以香跪進於王之左。王三上香
 畢。引禮贊俯伏。興平身。司贊唱俯伏。興平身。王
 與衆官皆俯伏。興平身。引禮導王由西門出。樂
作。復位。樂止。司贊唱鞠躬。拜。興。拜。興。拜。興。
 平身。王與衆官皆鞠躬。樂作。拜。興。拜。興。拜。
 興。平身。樂止。司贊唱搯笏。鞠躬。三舞蹈。跪。三拱
 手加額。山呼。萬歲。萬歲。再山呼。萬歲。萬歲。出笏。
 俯伏。興平身。王與衆官搯笏。鞠躬。三舞蹈。跪。三
 拱手加額。山呼。萬歲。萬歲。再山呼。萬歲。萬歲。出
 笏。俯伏。興平身。司贊唱鞠躬。拜。興。拜。興。拜。
 興平身。王與衆官皆鞠躬。樂作。拜。興。拜。興。拜。興。
 拜。興。平身。樂止。司贊唱禮畢。引禮啓禮畢。引王
 出。引班引衆官以次出。

蕃國進賀

表箋儀注

前期所司於王宮殿之内外。及國城内街巷結
 綵。設闕庭於殿上正中。設表箋案於
 闕庭之前。設香案於表箋案之前。司香二人位

於香案之左右。蕃王拜位於殿庭正中。北向。蕃
國衆官拜位於王之南。異位。重行。北向。設司禮
二人位於拜位之北。東西相向。引禮二人位於
王之左右。引班四人於衆官之左右。設使者立
位於香案之東。捧表箋執事二人位於香案之
西。設樂於衆官拜位之後。設龍亭於殿庭之南
正中。及儀仗鼓樂伺候迎送。

是日侵晨。司印者陳印案於殿中。滌印訖。以表
箋及印俱置於案上。王具冕服。及衆官各具朝
服。詣印案前。司印者用印訖。用黃袂裹表。紅袂
裹箋。各置於匣中。外仍以黃紅袂重裹之。捧表
箋官捧置於案。使者及捧表箋官各就立位。引
禮引王入就拜位。引班引衆官各就拜位。司贊
唱鞠躬。拜。興。拜。興。平身。蕃王與衆官皆鞠躬。樂
作。拜。興。拜。興。平身。樂止。引禮引王詣香案前。引
禮贊跪。司贊唱衆官皆跪。王與衆官皆跪。引禮
贊上香。上香。三上香。司香捧香跪進於王之左
王上香訖。引禮唱進表。捧表官詣案取表。東向

九日集禮
卷三十一
四十一
跪進于王。王受表。以進於使者。使者西向跪受
箋。興。復置於案。引禮唱俯伏。興平身。司贊唱俯
伏。興平身。王與衆官皆俯伏。興平身。引禮引王
復位。司贊唱鞠躬。拜。興。拜。興平身。王與衆官皆
鞠躬。樂作。拜。興。拜。興平身。樂止。司贊唱禮畢。引
禮引王退立於西。引班引衆官立於左右。使者
各捧表箋前行。王與衆官後送至龍亭前。使者
以表箋置于龍亭中。金鼓儀仗鼓樂前導。使者
與王及衆官送至宮門外。王還宮釋服。衆官仍
具朝服。送至國門外。使者捧表箋以行。

藩王朝見之圖

弁門外

集禮卷三十一

五十一

甲士軍仗

仗軍上甲

甲

旗仗

將軍

將軍

將軍

軍將

軍將

軍將

豹 虎 象 象

豹 虎 象 象

仗旗

四

四

四

丹輝版位

仗馬 仗馬 仗馬

典牧官

金駮

金駮

金駮

象駮

木駮

仗馬 仗馬 仗馬

典牧官

從官舞位

樂

從官舞位

文官一品至九品侍立班

同辰

班立侍品九至品一官武

儀禮卷三十一 五十三

舉方物執事位

官方物狀管

贊禮 知班

引禮 引班

方物

方物狀

贊禮

方物

方物

贊禮 知班

引禮 引班

位事執物方舉

丹陛上版位

護衛 護衛 護衛 護衛 護衛 護衛 護衛 護衛 護衛 護衛

宿衛鎮撫

撫鎮衛宿

護衛 護衛 護衛 護衛 護衛 護衛 護衛 護衛 護衛 護衛

集禮卷三十五十四

樂工

典儀

樂工

典儀

去後

馬

馬

馬

馬

去後

殿上版位

將軍

內贊

承制官位

祭物方

養王拜位

將軍

內贊

集禮卷三十 五十五

天武將軍

護衛 護衛 護衛 護衛

將軍

外軍

將軍

提督官位

祭物方

外軍

將軍

提督官位

祭物方

將軍

護衛 護衛 護衛 護衛 護衛

蕃王見
東宮圖

東宮門外

集禮卷三十一 五十六

中門外

仗旗

仗兵士甲

門

門

門

仗旗

仗兵士甲

門

門

門

班從侍尚儀中事給注居

位立侍使內

儀

班

位立侍使內

班從侍刀懸官武下以揮指

殿門外

執擊尉校

引禮
贊禮

將軍

將軍

將軍

將軍

將軍

將軍

將軍

引禮
贊禮

執擊尉校

集禮卷三十五十七

引班
引班

執擊尉校

文官侍立

承傳
引班

官

官

承傳
引班

立侍官武

引班
引班

執擊尉校

殿上

內黃

殿前

皇太子座

殿中

殿後

殿

諸王見

殿門外

集禮卷三十 五十八

引班

承傳

宿從園

宿從園

引班

承傳

執事

執事

蕃王與宰

輔相見圖

宰輔由此入
蕃王由此入

集禮卷三十 五十九

內贊

接伴舍人

王府官侍立位

內使擊執

內贊

諸王拜位

內贊



內贊

內贊

接伴舍人

王府官侍立位

謹身殿
錫宴圖



東廡

文官二品座位
文官一品座位

諸王
諸王
諸王
王

賓

諸王
諸王
諸王
王

位座品一官武
位座品一官武

西廡

東宮錫
宴之圖

執擎尉校

樂
隊

酒

樂
隊

執擎尉校

集禮卷三十一 六十一

大明集禮卷三十

賓客論德座位

三師座位

諸王

無太子位

諸王

位座師三

位座德論客賓

